



8. november 2012

Inatsisartut Suleriaasianni § 37 imm 1 naapertorlugu matumuuna ima ittumik Naalakkersuisunut apeqquteqaateqarpunga:

- 1. Naalakkersuisut 2013-mut aningaasanut inatsisissatut siunnersuummi kontomi 30.10.46-mi "Kinguaassiuutitigut kanngutsaattuliorfigineqarsimasunut immikkut ittumik suliaq"-mi takuneqarsinnaavoq ukiuni aggersuni malunnaatilimmik aningaasatigut atugassiisuteqarnissaq siunnerfiusimanngitsoq. Imatut paasisariaqarpa Naalakkersuisut sulianiummut katsorsaaniarnermut annertusaaniaratik isumaqartut?**
- 2. Inatsisartut ukiakkut 2009-mili ataatsimoorlutik aaliangiipput nunatsinni kinguaassiuutitigut atornerlunneqarsimasut katsorsaaviannik meeqqanut inersimasunullu atuuttussamik pilersitsisoqassasoq, ullormi manna tikillugu inersimasunut atuutinngitsumik ingerlatsisoqarpoq. Naalakkersuisut qaqugu inersimasunut sammisitamik aamma katsorsaavimmik pilersitsiniarpat?**
- 3. Sineriammi sulisunut ilisimasalinnut pikkorissartitsinerit qassit ingerlanneqarsimalerpat aammalu periarfissamik atuisimasut qassiuppat?**
- 4. Najukkami kiffartuussinerit qassit nunaqarfiit tikillugit ingerlatsiffigineqarsimappat, soorlu tamanna kontokkut periarfissiisuteqartut?**

(Aleqa Hammond, Siumut)

**Tunngavilersuut:**

Kinguaassiuutitigut atornerlunneqarsimasunut katsorsaavimmik pilersitsinissamut meeqqanut inersimasunullu atuuttussamik siunnersuuteqartutut nuannaarutigisimaqaara inatsisartut tamarmiusut siunnersuutima taperserneqarneranut taamaasilluni Naalakkersuisut suliakkerneqarmata sulinissaannik pilersitsinissaannillu. Kisianni ulloq manna tikillugu suli inersimasut katsorsarneqarsinnaaffissaannik Naalakkersuisut pilersitsinngillat aammalu aningaasanut inatsisissatut siunnersuutikkut aningaasaliisutinik ilassuteqarnianninnerat takusinnaangakku peqqutissaqartippaanga qulaani pineqartut apeqqutigissallugit.